


延寶傳燈錄

第一

			二九四七一號	和書門類
		一〇五函		
二七册	一架			

庫文閣内			
二九函	二九四七一號	和書	
二七册	二七册		

内閣文庫			
番號	和	29471	
冊數	27	(2)	
函號	192	466	



糊などで貼り付けられている部分がめくれない箇所あり

教部省
文庫印

圖書印

圖書印

延寶傳燈錄序

内一〇一七〇號

夫心法者無聲色焉活在空劫以前爲
萬物之根源也諸佛諸祖悟之續統流
教一齊斯科者觀三世於掌果施九流
於蹄涔茫茫宇宙窮何性理盡何妙玄
皆此中之假名也大矣哉別傳之爲宗

日本異迹 延寶傳燈錄序

也不可以思擬焉太覺世尊成道雪山
四十餘年說半滿之教充三乘之機末
後靈山會上拈一枝華示八萬賢聖迦
葉獨莞爾供款世尊曰吾有正法眼藏
付囑摩訶迦葉所謂教外別傳者於是
權輿焉二十八傳及菩提達磨遙聞東

土之風渡海特來不立文字直示佛心
于時人尚教理褊局量堅梁武之英主
膠執聖諦不契祖意乃入少林山九白
面牆接得二祖神光分付心法五祖弘
忍下分南北宗至六祖大鑑展轉相支
爲五家七宗皆是英傑燈燈互照醅唱

捷峻電卷雷奔兒孫繩繩盈溢四海矣
宋景德中有沙門道原編傳燈錄三十
卷具載其機緣語句繼之普燈續燈等
錄共行于世矣
本朝推古之曆達磨遊化此方而時機
未熟葬于片岡厥後道昭道璿等佩此


心印而來歸內祕不外顯焉建久安貞
之間建仁明菴永平道元前後入宋傳
黃龍太白之正統盛唱北京北越是爲
臨濟曹洞之始祖也自爾以來諸師爭
馳踰溟越漠往而傳焉來而授焉宗派
森漫各有源委而王公侯伯欽風仰挹

伽藍鉅刹每州竝峙和宋名衲輪次視
纂豎法幢立宗旨代不乏其人當時稱
爲二十四流大抵不久而絕世其家者
僅數支而已自建久追于今五百餘載
緝錄無人致俾名賢聖德湮沒無聞可
謂闕典矣余從冠歲遊履四旁或問諸

山之耆宿或求江湖之禪友疊疊搜索
三十餘年語錄行狀碑文塔銘凡有關
宗教者蒐羅不泄焉今茲寓法山下不
揣固陋采之銓次總計幾乎一千人編
成四十一卷號曰延壽傳燈錄蓋以實
參實悟定師資者列祖所欽也歷應仁


之亂禪道稍衰佩藤瓜印持椶櫚拂自稱傳法者如稻麻竹葦也猗歟澆季之弊偏至于茲故述往事而思來者焉庶幾後世禪林之士觀古人言行以為今日龜鑑則燈燈因既斯文不墜云爾

延壽六年歲次戊午季春穀旦
相州沙門師蠻書於法山寓舍



法苑珠林卷之...

延壽六年歲次以十年春錄其



延壽傳燈錄凡例

一宋景德元年東吳沙門道原彙集佛祖機緣語要撰三十卷題曰景德傳燈錄今準彼題曰延壽傳燈錄

一支那五燈錄自過忉七佛至西天四七皆悉銓次為斯禪人之所常見而知也復為編聯事涉揅釀矣故今之撰讓于彼闕而弗錄
一菩提達磨大師吾推古帝二十一年冬遊化此方逢聖德太子于和之片岡唱酬和歌以為諸師遊化之先登故載之篇首焉

一 菩提達磨之寂年景德傳燈之所記有乖誤明教
正宗記詳辯正之今以正宗記爲宜當也
一 是書專記機緣語句旁載姓氏出處大概欲俾學
者知其先言往行也或無緣語而有偈頌小佛事
足觀其胸量者有名勝之贊語贈言可代其嗣承
履歷之實錄者亦登載之庶乎無遺先哲之軌躅
焉
一 傳法諸師入支那來此方者依其年之先後以列
位次焉如謂明菴一道元二矣其兒孫排布之位
次各隨其師之班焉下皆倣之

一 支那五燈書南嶽下青原下幾世矣今書明菴下
道元下幾世以倣改索焉

一 五山十刹及大德妙心皆以付法先後循序齒列
而不拘出世開堂之次第矣先得法者系前次得
法者系後梵網序臘可以爲矜式焉大率諸家祖
圖皆以如斯今據之

一 傳法東來師者權輿于明菴鞭殿于東陵開闔爲
二十四流矣當時水滙派分森茫四海大氏不久
而衰系嗣紹續者聖一下佛炁下僅數支而已餘
皆斷絕而宗派不明況機緣語句乎是以是書或

一世二世或六七世而止唯大應下宗派昭晰緣語亦有故至十二世矣

一道元下傳法支派蕃衍于東西然而機緣語句不多傳于世余久探索之今自最窳文海漸求之系列泝止十三世降自中世洞宗每遷大利屢換其嗣法雖源水不涸而支流混亂於義不洽矣百五十年來無繇系于傳燈焉

一大慈寒巖義尹或書為徹通介之嗣然余檢能之總持籍簿壁山鐵公所校纂之宗派圖俱系道元下閱空華日工集亦為道元之嗣今援證據正洞

宗學者甄別之

一洛北正傳寺東巖慧安世傳為元菴之嗣而今系道祐下具如高僧傳辯之

一大應下分為關山徹翁月菴二派鼎峙華夷分卷載之為俾人易知也

一有未詳嗣承者有嗣承雖明其先無機緣語句者併集為拾遺焉

一景德傳燈載禪門達者南嶽慧恩天台智者等數師今復準彼載本朝佗宗歸讚佛心宗諸師矣

一有本朝王后懸解禪法者不系其師之下別佗

一之篇蓋尊之也

一公侯摺紳書以本姓細註氏族如細川氏本姓源大友氏本姓藤是也未考系出及名字者直書以氏或名某

一支那普燈等載傳法居士 本朝不乏其人故立相將居士篇

一瓦屋明全約菴無我大初五師雖不歸國載化支那而以其生于日國今載于茲

一古之帝者咸有追諡桓武之後缺焉其無諡者今稱以地名宮名如龜山花園光嚴崇光是也又

有前後同稱者分以一字如後宇多後奈良是也

一上堂示衆等語各傳收入又錄廣語拈古等編爲五卷蓋遵舊例也

一是書自延審中稿成浚藏巾笥將三十年其間

朝廷褒贈累旌諸師之美諡不一今茲及入黎棗各章收補蓋恐懿典之漏網也莫以紀元之後而議之

凡例終

日本異述

延寶傳燈錄凡例

〇

日本書紀

[Faded bleed-through text from the reverse side of the page]

圖局文

延喜傳燈錄卷第一

丙一〇一七〇號

相州沙門 師蠻 撰

第二十七祖般若多羅尊者法嗣

震旦初祖菩提達磨尊者南印度香至王第二子也

天性開朗神智無方蚤通佛理名菩提多羅二十七

祖般若多羅尊者行化至南印度香至王請待宮中

尊重供養而獻無價寔珠因出三子誓系尊者尊者

欲試其所悟乃以所施珠問三子曰此珠圓明有能

及此否第一子目淨多羅第二子功德多羅俱曰此

珠七寔中尊非尊者道力孰能受之第三子菩提多

日本書紀

延喜傳燈錄卷一

國立公文書館
National Archives of Japan

羅曰此是世害未足爲上於諸害中法害爲上於諸
光中智光爲上於諸明中心明爲上此珠光明不能
自照要假智光明辨若辨其珠珠不自珠要假智珠
而辨世珠害不自害要假智害以明法害然則師有
其道其害即現衆生有道心害亦然尊者歎其辯慧
乃復問曰於諸物中何物最大曰法性最大尊者覽
其生知鬚度授戒因名菩提達磨師服勤左右垂四
十年益研心要尊者告師曰如來以正法眼藏付大
迦葉展轉以至於我我今囑汝聽吾偈曰心地生諸
種因事復生理果滿菩提圓華開世界起師乃白尊

者曰我既得統寄當往何國而作佛事欽稟開示尊
者曰汝雖得法不可遠遊且止南天竺待吾滅後六
十七載當往真丹直接上根慎勿速行衰於日下師
復曰彼有大士堪爲法器否千載之下有留難否尊
者乃付偈曰路行跨水復逢羊獨自棲棲暗渡江日
下可憐雙象馬二株嫩桂久昌昌復演八偈預識佛
法隆普逮尊者順世師遂回本國大展玄風破六宗
之邪伏異見之慢化導其國六十餘載遙觀震且有
大藥氣象因泛滄溟閱三寒暑逢東土崑梁普通元
年九月二十一日也廣州刺史蕭昂具禮迎館以表

聞武帝帝乃遣使齎詔赴京師十一月抵金陵法駕
出迎接肅入宮詔師陪坐正殿帝乃問曰朕即位已
來造寺寫經度僧不可勝記有何功德師曰竝無功
德帝曰何以無功德師曰此但人夫小果有漏之因
如影隨形雖有非實帝曰如何是真功德師曰淨智
妙圓體自空宗如是功德不於世求帝又問如何是
聖諦第十義師曰廓然無聖帝曰對朕者誰師曰不
識帝不領師知機不契渡江至魏寓止于嵩山少林
寺面壁而坐終日默然人不識知稱壁觀婆羅門有
神光者久居伊洛博雅之儒也知其教不盡妙理棄

往少林聞師誨勵立雪斷臂得安心之法易名曰慧
可魏孝明帝欽師高風遣使封詔三徵不起就賜摩
訶袈裟二襲金盃銀水餅繒帛等以致供養稍經九
白將歸天竺乃俾門人言其所悟道副曰如我所見
不執文字不離文字以爲道用師曰汝得吾皮尼總
持曰我今所解如慶喜見阿閼佛國一見更不再見
師曰汝得吾肉道育曰四大本空五陰非有而我見
處無一法可得師曰汝得吾骨最後慧可禮拜畢依
位而立師曰汝得吾髓卽付正法眼藏并授袈裟以
爲法信說偈曰吾本來茲土傳法救迷情一筆開五

葉結果自然成昔炎統律師流支三藏觀師斥相指
心每與師對論師詞義明辨若山崩川奔而偏局之
量自不堪忍數加毒藥至第六度化緣已畢傳法得
入遂不復救乃領徒衆往禹門千聖寺端坐遷化卽
梁之大通二年十月五日也門人葬全身於熊耳山
定林寺後三歲魏使宋雲自西域還遇師于蔥嶺見
手攜隻履翩翩獨往卽問何往師曰西天去因謂雲
曰汝主已崩雲茫然而別暨于復命明帝已登遐矣
乃以其事聞于莊帝帝詔命啟壙視之惟空棺隻履
在焉卽敕取遺履就定林寺供養梁武帝追憶自撰

碑文祭之其後歷八十四年師遊此方卽推古天皇
二十有一年也推古女王太子聖德攝政十二月朔
太子過和之片岡於時師企飢人貌弊服襤縷而臥
路傍眼有異光其體甚香太子之馬辟易不前太子
乃下問其姓名師都不對太子復詠和歌問之師擡
頭以和歌酬之在歌詞共載日本紀太子乃與飲食亦脫紫衣
而覆之曰乞快安寢言訖歸宮明日遣使看之使者
復言飢人既殂太子悲慟命駕馳片岡親率臣僚空
葬焉經數日太子謂侍臣曰前日飢者非凡必真人
也復遣使視之封樹自若使者乃開壙只所賜紫服

疊在棺上餘無所有太子即取其衣服之時人曰惟
聖知聖太子之所築墓今尚在焉俗呼號達磨墳
唐杭州海昌院齊安國師法嗣

洛西檀林寺義空禪師唐國人久依齊安國師室中
推爲上首我橘皇后聞唐有佛心宗裁造繡袞沙霽
旛等使慧萼法師入唐聘請傳法禪衲萼乃抵鹽官
縣海昌院拜齊安國師奉太后之幣曰我國教法鼎
盛禪宗未傳願請國師之神足以爲本邦之始祖安
俾師受請乃與慧萼泛海著太宰府皇后大喜迎館
東寺之西院名詢禪妄尋居檀林寺請爲開山祖大

行禪宗后參究嚴勤遂有所悟官僚摺紳問道者多
稍歷數歲唐檀越貴介寄書而招師遂歸唐萼再入
支那謁蘇州開元寺契元勒事雕碑題曰日本國晉
傳禪宗記附舶寄來立都城南羅城門側以旌其德
焉

曹洞宗

唐筠州洞山良价禪師法嗣

唐國蜀碧鷄坊瓦屋能光禪師生于日國不詳何許
人截海入唐參洞山价禪師親稟宗印天復之初遊
化入蜀永泰軍節度使祿虔宸捨碧鷄坊宅爲院居

之道俗嚮化大振玄風以後梁長興年未遷化壽一
百六十三宋有句令玄居士蜀都人也深究禪宗嗣
法張平雲拜師塔偈曰大空無盡劫爲塵玄步孤高
物外人日本國來尋彼岸洞山林下過迷津流流法
乳誰無分了了教知我最親一百六十三歲後方於
此塔葬全身

臨濟宗

宋杭州靈隱瞎堂慧遠禪師法嗣

江州叡山覺阿禪師世姓藤氏十四上合嶺得度受
戒習大乘善梵漢書二十九歲聞商客稱宋地禪

宗之盛奮然志遐遊遂以承安元年共法弟金慶泛
瀛其秋達杭州乃奉宗乾道七年也時佛海遠禪師
踞靈隱道化高輦下師袖香詣其室海問其來師書
日某等仰服和尚之名特詣函丈禮拜願傳心印以
度迷津且如心佛及衆生是三無差別離相離言假
言顯之和尚如何開示海曰衆生虛妄見見佛見世
界師復書曰無明因何而有海便打師卽請海陞座
決疑明年秋辭遊金陵抵長蘆江岸聞鼓聲忽然大
悟始知佛海用處旨趣旋靈隱呈五偈曰航海來探
教外傳要離知見脫蹄筌諸方參遍草鞋破水在澄

潭月在天一皆掃盡葛藤與知見信手拈來全體現腦
後圓光徹太虛千機萬機一時轉二皆妙處如何說向
人倒地便起三自分明驀然踏著故由地倒裏撲頭孤
路行三皆求真滅妄元非妙即妄明真都是錯堪笑靈
山老古錐當陽拋下破木杓四皆豎拳下喝少賣弄說
是說非入泥水截斷千筌休指注五一聲歸笛囉囉哩
五海印其所證及理歸帆海書偈贈行師歸來菴居
巖山安元初遣僧通信於海壽永元年夏復通嗣書
海已遷化矣高倉帝聞師道義詔問禪要師即舉尺
八吹之

宋明州天童虛菴敞禪師法嗣

京兆東山建仁寺明菴榮西禪師備後州人姓賀陽
氏母田氏夢明星現乃妊在胎八月誕焉八歲就父
讀俱舍婆舍二論聰敏逸羣十一師事郡之安養寺
靜心十四祝髮登巖山戒壇進具十七依千命翌年
就命稟虛空藏求聞持法尋浴灌頂水十九學台教
於巖峰有辯習密乘於伯州基好盡得其蘊復還巖
山轉經藏輪俄發南遊之恩仁安三年乘商船達宋
國明州界奉宗乾道四年也偶會廣慧寺知客問曰
日國有禪麼師曰我邦台教始祖傳教大師傳台密

禪而歸今台密鼎盛禪滅久矣吾今航海將補闕典
不知得否知客日子欲得祖師禪拋下從前知見發
大機用精礪積年自然有契當分時與本國重源遇
渡天台山石橋感拜羅漢於餅峰現異筭於茗碗又
登阿育山見舍利放光秋九月源勸誘而歸師又欲
重入震丹達于天竺拜釋迦八塔而終身於佛國矣
文治丁未夏再入大宋徑趨臨安府行在所表奏過
竺之旨報帖曰今北蕃強大西域皆隸砂路騷撓何
行之有師與十數輩又向赤城上天台山峯虛菴敞
禪師住萬年寺師懷香拜謁菴問傳聞日本密教甚

熾端倪宗趣一句如何師曰初發心時便成正覺不
動生从而至涅槃菴曰如你所言與我宗一般只是
你未徹在師從此竭力叅詳遂徹教外之旨一日問
曰不惡善不惡惡時如何菴曰本命元辰師曰恁麼
則不從今日去也菴曰若然則不妨你恁麼去也師
便禮拜菴曰面南看北斗菴移天童師亦從侍紹熙
二年秋辭菴菴付法衣印書及應器坐具審餅拄杖
白拂師到奉國軍寨楊三綱船著平戶島葦浦本朝
建久二年也戶部侍郎清貫創一精藍延之師與數
輩始行禪規未幾海衆滿堂續入王都不唱禪道此

時禪法權輿都下緇白疑心過半筑之筥崎有良辯
嫉其禪行誘率山徒奏朝訴竄迹師帝詔大相國兼
實藤公九條名師府裏俾主當令源仲資河白徵問尚書
左丞藤宗賴葉室與聞師曰我禪宗者非今始有之管
傳教大師嘗製內證佛法相承血脈一卷其最初乃
舉我達磨直指之法也被良辯昏愚無知引台徒誣
我禪宗若非則傳教亦非傳教若非則台教不立台
教不立則台徒豈拒我乎甚矣其徒之闇其祖意也
于時台宗有識之者以師言為善而輔其禪化示眾
曰我此禪宗單傳心印不立文字教外別傳直指人

心見性成佛其證散在諸經論中今且抽出一二以
諭汝諸人華嚴云初發心時便成正覺淨名云心淨
佛土淨楞伽云如來清淨禪大般若云第一義無有
文字法華云唯佛與佛乃能究盡諸法實相諸法宗
滅相不可以言宣涅槃云如來常住無有變易毗盧
遮那經云我覺本不生出過語言道解節經云自證
無相法離言說四事文殊問經云此法不思議離於
心意識占察經云一實境界者謂眾生心體從本以
來不生不滅自性清淨起信論云離言說相離心緣
相智度論云般若波羅密實法不顛倒念想觀已除

言語法亦滅是等文繁今出少分耳復曰此事只在
行住坐臥處添一絲毫也不得減一絲毫也不得優
恁麼會太更不費些兒氣力纔作奇特玄妙商量也
無交涉所以動則生死之本靜則昏沈之鄉動靜雙
忘顯預佛性總不恁麼畢竟如何若是旨外明宗終
不言中取則直下便見撩起便行箭已離弦無返迴
勢千聖也摸索不著或未到此田地切忌麤心大膽
一向掠虛到臘月三十日總不著復舉天皇和尚云
任性逍遙隨緣放曠但盡凡情更無聖解師曰若要
指示盡是爲蛇畫足又曰古人所謂大事未明如恁

考妣釋迦老人爲一大事因緣故出現於世且道大
事又作麼生明直須當人大悟一回親到方開自家
口說自家話若也未悟縱說得五千四十八卷盛水
不漏也只是法身量邊事於此大事遠之遠矣試舉
古人悟處自家商量看如羅山和尚一日問石霜和
尚云起滅不停時如何霜云直須寒灰枯木太公山不
契卻往巖頭和尚處如前問頭喝云是誰起滅山言
下忽然大悟且道悟個什麼化古人念念在茲十二
時中綿密做工夫直是以悟爲則發一問決擇此事
尊宿應病與藥唯以病爲藥除全體輕清爲驗後學

不逢本源強分優劣云石霜是死語巖頭是活語如此見解買草鞋行脚始得不領鉤頭意錯認定盤星所謂師子咬人狂狗逐塊也建久三年構報恩寺於筑之香椎宮側始行菩薩大戒布薩六年開聖福寺於博多建仁二年金吾大將軍賴家源公施地於洛東營大禪刹三年六月尚書省劄置台密禪二宗帝賜王府財有司看護造興極輪奐上爲官寺先是平侍郎奏賜紫衣建保元年敕擢僧正尋居相之鎌倉幕府創壽福寺於龜谷二年季夏俄示微疾辭源僕射實朝源公曰師已老病寺亦未成將何之師曰我

欲入王城取滅也源公曰知識豈从擇地乎師曰都人初聞禪疑過半矣我當唱末後句顯煥帝都卽命駕歸京六月晦布薩次告衆曰孟秋單五吾之終也都下喧傳達于天聽到期帝遣中使問侯師對中使日期已瀕而姿儀尚健哺時坐椅安詳而化中使未還宮聞路人述稱見瑞虹於寺上實七月五日也壽七十五臘六十三師初在台嶺嘗捨錢三百萬星於萬年寺架三門兩廊又修觀音院智者塔院虛菴和尚欲建千佛閣於天童山師歸國之後遣巨材若干而後閣成寺主爲師作堂祠焉師知見廣大辯才無

礙當禪化肇開之時屯難鋒起而志操綽不撓願輪
元亨遂立綱宗是以後世推師爲禪門之始祖師嘗
記曰我歿後五十年禪宗大興于世文應弘長以降
諸師說說宗派繩繩實如師之言也平生述作有若
干部

曹洞宗

宋明州天童長翁如淨禪師法嗣

越前州吉祥山永平寺道元禪師京兆人源亞相通
忠我之子生時有祥瑞自幼俊發相者見曰此兒骨
相多奇七處平滿眼有重瞳非凡流必成大器但恐

其母壽不長矣後果然四歲讀李嶠百詠七歲習毛
詩左傳從此閱諸經史不由師訓能通大義世以爲
神童八歲喪母因有厭世志翌歲讀俱舍丞相基房
藤公殿松乞以爲子將令續攝家其意不爲榮年至十
三潛上叡山依叔父良顯建曆二年禮座主公圓落
髮乃登壇具戒台宗啟乘研覈精究聞三井公胤詳
于觀心往問法身自性之旨胤曰欲質此事問佛心
宗師乃更衣叅建仁明菴西菴遷化後依明全禪師
貞應二年歲二十四俗全公入宋抵明州界寧宗嘉
定癸未年也徑上天童時無際派據位尋往徑山謁

浙翁琰所至尊宿莫不機契明年將理歸穢有一禪者謂師曰長翁淨和尚當世名匠今住天童子盍參見乎師再陟太白翁曰吾疇管夜夢悟本禪師至你是再來人也佗日大弘吾宗乃許參堂一日翁巡堂矚僧坐睡呵曰夫坐禪者為脫落身心也祇管打睡作什麼師在傍聞之豁然大悟早晨詣丈室燒香告所悟翁即印證從侍四載盡得洞上之祕要因欲履靈區而如江西暮宿荒村有一猛虎鼓牙向師拄杖忽化為龍虎即怖走黎明有一童子告曰師當歸國豎無勝幢唱直指之道母滯於茲師曰卿何人曰我

韋將軍言訖不見即回太白辭翁翁付僧伽黎并自頂相且屬之曰休旋本邦隱深山遠陬勿近國主大臣師拜揖而出洋中颶風俄起眾人失色師誦普門品忽見觀音太士之相光明赫現烟波之上頃之風濤熄著太宰府本朝安貞元年也師乃上洛寓止建仁天福元年弘誓院正覺尼擇地於城南之深草縣營與聖寔林寺請師為第一世嘉禎二年開堂演法乳香酬長翁叢規典禮一則太白寬元二年雲州太守藤義重波多野氏於越前建永平寺聘為開山始祖四來包笠常盈萬指上堂身心脫落聲色俱非個中

無語何處著迹座中誰是江南客聽取鷓鴣聲外詞
上堂忽聞佛法二字早是汚我耳目諸人未到法堂
已前喫三十棒了也雖然如是山僧今日也是爲衆
竭力喝下喝下座上堂諸人要識祖師麼掀翻海嶽
求知己要識二祖麼撥亂乾坤建太平隻履不知何
處太宗風千古播嘉聲上堂直道本來無一物誰知
徧界不曾藏下座上堂舉管日迦葉尊者蹈泥時有
沙彌問尊者何得自爲尊者云我若不爲誰爲我爲
師曰心如臘月扇身如寒谷雲若見得我爲便見得
誰爲二塗俱不涉鐵壁峭危危上堂僧問如何是古

佛心師曰鶯啼處處同問如何是本來人師曰腦後
蓋眼漢乃曰有問有答屎尿狼藉無問無答雷霆霹
靂十方大地平沈一切虛空迸裂外不放入內不放
出一槌痛下萬事了畢依然鼻孔大頭垂一對眼睛
烏律律上堂如今雲水兄弟還有得底人麼時有僧
出禮拜師曰有自有只是未在問得個甚麼師曰不
信道乃曰要識得底人麼心不負人面無慚色上堂
赤心片片誰知得笑殺黃梅路上兒上堂人人握夜
光之珠個個抱荆山之玉若不回光返照甘爲懷毒
迷邦不見道應耳時如空谷大小音響無不足應眼

時如千日萬像不能逃影質若非聲色外邊求達磨
西來也大屈結夏上堂以拂子作圓相曰結制安居
超越遮個又作一圓相曰九旬禁足究明遮個所以
道威音王佛稟遮個而假名爲佛歷代祖師憑遮個
而號令人夫處處安居時時禁足雖然恁麼莫將遮
個爲極則莫將遮個爲向一掃除極則踏躡向上永
平只此是安居堪與叢林爲栴樣上堂大鈞運載化
機絲毫不動石頭全提心印文彩已彰到這田地佛
眼觀不及迷悟莫能該瞿曇鼻孔是山僧眼睛山僧
眼睛是瞿曇鼻孔所以隔山見烟便知是火隔牆見

爲定知是牛舉拂子曰只遮個一毫不隔諸人畢竟
喫佗甚麼天曉報來山鳥語陽春消息早梅香解夏
上堂四月十五日握手爲拳七月十五日開拳作掌
中間一句子超越兩頭邊作麼生是超越底句眼皮
纔綻鼻孔遼天上堂永平有時入理淡談只要諸人
田地穩密有時門庭施設只要諸人神通遊戲有時
奔逸絕塵只要諸人身心脫落有時入自受用三昧
只要諸人信手拈得忽有人出來道向上事作麼生
但向道曉風磨洗昏烟淨隱隱青山展畫圖上堂拈
拄杖曰橫拈倒用撥開諸佛眼睛暗去明來敲落祖

師鼻孔當恁麼時目蓮鷲子飲氣吞聲臨濟德山呵
呵大笑且道笑個什麼靠拄杖日等閑斜靠壁依舊
黑鄰破上堂恰恰無稜縫明明不覆藏鷲嶺謾傳迦
葉少林豈授神光現成處處合頭語具足人人知見
香虛空演說森羅聽不掛唇皮解舉揚汝等諸人十
二時中滿眼滿耳超古越今誰自誰他何迷何悟還
體悉得麼良久日舉起鎮州蘿蔔何以廬陵米價上
堂舉五臺山頂雲蒸飯佛殿階前狗屎天利竿頭上
煎錘子三個獼猴夜斫錢師日若向這裏領覽得驪
龍到處興雲雨其或未然且待池開臘月蓮上堂佛

佛授手祖祖相傳相傳個什麼授手個什麼大眾要
知落處麼三世諸佛六代祖師當甚破草鞋破木杓
若也擬議永平在佗腳底長翁和尚忌上堂入唐學
步失那鄆鼻直眼橫無兩般莫道天童瞞學者天童
曾被永平瞞審治元年副元帥平時賴聘請師於鎌
倉受菩薩戒執弟子禮乃欲建立精藍雷師師不就
而歸越州平帥欲捨莊田以充雲廚師亦不受三年
春修羅漢供應真放光自空降臨後巉峨上皇聞師
道譽賜紫方袍并禪師號師再三固辭皇詔不許不
獲已而受佗偈上謝而師卒不披其衣一時屬微疾

門人諸檀徒師就京館于西洞院上皇敕國醫診脈
僧俗作禮者晨昏盈門師酬應如常一夜澡浴易衣
書偈別衆端坐而化建長五年八月二十八日也年
五十四臘四十一諸弟子移遺骸於興聖雷龕三日
神色如生異香薰室茶毘拾設利羅無算上足焚公
奉靈骨歸越藏于永平北隅師平素不著彩衣遺誠
俾不立牌有廣錄若干卷盛行于世

宋杭州淨慈北磻簡禪師法嗣

京兆草河勝林寺天祐思順禪師初學台放咸罄其
蘊後慕最上乘入宋歷遊諸方及叅北磻簡居侍局

昕夕替巾遂受禪之印記一日告辭磻贈偈曰粟飯
王都藐莫知星分碁布海中泚三韓未遠須重譯九
土雖中共秉彝但見神僧魏跨水弗聞君子陋居夷
由餘季札高千古復區區樂踈爲凡在宋二十三
載還國就洛東勗勝林寺而居都下靡風由良心地
叅師將入宋師與一偈鞭勵其一日學道工夫須著
力從門入者被人瞞三條椽下容身易六尺單前叅
話難退步遠觀明歷運息近覓黑漫漫銀山鐵壁
雖無路透出透來且自看其二日大道本然何費功
不通一步卻能通慮談萬物皆無味身靜諸緣盡在

空法界聖凡非念外微塵刹海出胸中
人疑個事吾應答野草春來華自紅
師晚年閉門謝絕人事矣

延審傳燈錄卷第一

江府住玉泉軒成九居士發信施費銀

延寶傳燈錄第一

茲願

禪燈分燃覺華結果同圓二嚴者

寶永丙戌解制之日

濃州路加納盛德禪寺

知藏比丘

識

延審傳燈錄卷第二

相州沙門 師蠻 撰

臨濟宗

宋杭州徑山無準師範禪師法嗣

京兆慧日山東福寺辯圓爾國師俗姓平氏駿州

稟科人母稅氏夢明星光而有身生時金光照室五

歲依久野堯辦法師八歲學台教粗通大義十五則

止觀講席至故四諦外別立法性之文講師滯礙師

進前解釋詞義渙然十八削髮於園城寺登東大寺

戒壇慕教外宗禮榮朝禪師於上之長樂易衣參究

辭謁行勇禪師於相之壽福嘉禎元年浮海僅經十日著明州界理宗端平二年也入天童山見癡絕冲謁叅笑翁堪于淨慈石田薰于靈隱寧退耕典北山之賓與師友善語曰輦下諸名宿子已叅徧然天下第一宗師唯無準範和尚也子何不承願躬乎依是師登徑山佛鑑一面器許未浹旬命侍巾鉢痛加箠剗師晨昏叅尋遂開悟準告師曰你學海浩渺吾竹篋下一時乾枯佗日歸國必無涓滴處橫起波瀾豈無勝幢發揮吾道須踵乃祖遺芳永利未來際淳祐元年三月朔夜準召師室燒香語曰你化導時至早

還本土提唱祖道乃付密菴師祖法衣并自贊頂相自筆宗派圖師中夏發四明孟秋著博多即本朝仁治二年也太宰府湛慧就橫嶽山一精藍待師歸朝即日來請師乃名崇福寺開堂說法肥前水上山榮尊革教寺為禪刹請師為開山祖自居版首宋人謝國明創博多承天寺聘招宰府有智山徒衆嫉師禪化欲毀承天新寺執事聞于朝寬元二年敕陞承天崇福一刹為官寺師便揭無準所書敕賜大字湛慧有事入京訴于相國良實藤公二條既入謁相國舊聞慧名延問宗門事慧酬酢如響相國大喜啟父太

相國道家九條相國問曰上人師誰得此智辯慧曰我師圓爾近入宋親得徑山無準和尚正印現今住崇福承天兩刹唱佛心宗太相國乃發使招師館于炎明峰別墅終日問道就受禪門大戒兼祕密灌頂因使三子執弟子禮先是太相國就維之東南構大伽藍名曰東福寺將爲八宗之衆園而祈國家安寧於是革爲禪刹署師爲開山始祖以洪營晚成先建普門寺使師假居太相國欲任僧正師辭不受復欲補日本國總講師師又不受遂親書聖一和尚四字以授之建長癸丑師往相州館龜谷山平元帥時賴請

府因受菩薩戒就問玄旨七年六月東福落慶師入寺開堂後巉峨上皇召師龜山宮受大禪戒敷宣法要上皇手親賜御扇正嘉初平元帥招董龜谷山鐘鼓魚版一時改響二年遷維之建仁佛殿雲堂回祿之後壞圮蕭索師皆鼎新上堂十方佛土中唯有一乘法更換何佗禪道佛法麼若言佗得打失一雙眼睛若言不佗得千古下佗人笑端本色行脚人須具行脚眼始得且道如何是行脚眼行到水窮處坐看雲起時上堂棒頭取證落漸隨坑喝下承當承虛接響向上向下轉更瞞預說妙說玄和泥合水正恁麼

時行不動塵語不動唇直須到大休大歇大安樂之
場若也不會問取當來彌勒尊上堂萬機不到千聖
不攜把斷要津不通凡聖雖然如是不免放一線道
向第一義門無言處演言無相中現相始終一貫前
後無差恁麼告報諸人還甘麼三生六十劫元日上
堂禪非意想立意乖宗道絕功勳建功失旨新年消
息不動纖塵應節納祐慶無不安若佗佛法商量喚
鐘佗甕若佗世諦流布平地喫交大衆還委恁麼孟
春猶寒歸堂喫茶無準忌拈香我管行脚航海梯山
拖泥帶水徧歷南方當時五髻峰頭不覺撞著這老

師遭穢毒手無回避處眼上安眉蕩盡生涯直至如
今無言可說無理可伸而今對衆盡底揭翻舉香曰
劫石有消日此恨幾時休結夏上堂高超十地不歷
僧祇物我一如身心平等不與萬法爲侶不與千聖
同途全提佛祖大機獨露人天正眼直居孤峰頂上
禁足卻向十字街頭垂手殺活自在擒縱縱橫且道
還有應聖制分也無良久日日用無回互當機有卷
舒冬至小參朕兆未分虛空無背面一氣已動萬象
自崢嶸各運推移日南長至向本分田地撥轉向上
機一段家風輝騰今古釋迦彌勒無路退身臨濟德

山目瞪口呿千里萬里無片雲擬議不來三十棒正
恁麼時諸人還委恁麼羣陰消剝盡來日是書雲冬
至上堂寒暑變遷一陽來復百昌萌動劫外開華豎
起拄杖曰老僧拄杖子長多少良久曰一冬一冬又
手當胸上堂舉古德云說得一丈不如行取一尺說
得一尺不如行取一寸雖然如是東福不然說也說
不得行也行不得何故得意念言猶揚家醜寧可截
舌不犯國諱臘八上堂黃面老子正覺山前謾覩明
星打失眼睛從古至今承虛接響眼裏撒沙漏逗不
少畢竟作麼生各請上殿炷香禮拜定著眼看黃面

老子面皮厚多少下座師嘗室中舉理致機關向上
三種接學者特非董諸禪刹又管教寺者多如和之
東大尊勝攝之天王雉之法成皆奉敕爲之幹事弘
安三年春示違和夏六月移常樂菴龜山上皇遣官
醫診脈丞相實經藤公一條宿山問候入秋稍愈十月
朔鳴鼓鳩衆祝聖罷演出世始卒謂大衆曰卻後十
五日當還本寺審華王座說未後句入大涅槃十四
日晚命侍僧昇歸寺門人等不可望且兩序耆舊詣
菴問訊師復告其緒衆亦不聽十六日命行者日晚
間有客灑掃房宇及黃昏果無傳來自越後師披五

日本書紀卷之三十一 聖德太子本紀第三十一

日本書紀卷之三十一 聖德太子本紀第三十一

條衣而坐傳燒香作禮師曰最後相見須致九拜傳
將退師留之示理致機關等三種夜已過三更馳使
藤丞相告辭乃登椅端坐諸徒乞遺偈便書日利生
方便七十九年欲知端的佛祖不傳擲筆而化留龕
三日顏色不變瘞全身於常樂菴林竹變白梧桐自
枯有語錄行于世正和初敕謚國師本朝國師之號
始于茲

與州松島山圓福寺性才法心禪師年過壯齒憤然
出俗不知文字單要明箇事聞宋地禪風之盛附商
船達臨安府直登徑山禮佛鑑禪師求開示鑑於圓

相中書一丁字示之師止輪下晨昏研究性堅硬堪
禪坐至骨臂腫爛志氣不撓四威儀中觀丁字現師
尚不介懷如是者歷九寒暑遂得悟入鑑印證焉辭
歸本朝就與州松島開圓福接引禪客師嘗知久期
先庚七日謂諸徒曰某日吾當取滅然身心勇健諸
徒不信至期齋罷披衣坐椅侍僧乞遺偈師即唱曰
來時明明本時明明是個何物侍僧曰猶欠後句師
應聲一喝示宗

城北妙見堂道祐禪師筑前州博多人嘉禎年中泛
海入宋徧謁諸善知識後陟徑山依佛鑑刻意參訊

遂得宗趣。一日入室。鑑問曰：日本國裏有禪也無師？答曰：大唐國裏亦無鑑。浚之師淳祐乙巳夏告辭。因爲鑑頂相需讚鑑秉筆書曰：從來震且本無禪。少室單傳亦妄傳。卻被道祐等閑覷破。便知老僧鼻孔不在口邊。漫把虛空強描。邈好兒終不使爺錢。師歸朝之後隱處京城北山。妙見堂以建長八年二月五日。宋於東福之延壽堂辭世。頌曰：五十六年無夜。備不問諸祖與諸佛。今日今時告行來。日日從東畔出。

相州建長元菴普寧禪師。宋國西蜀人。從少出家。英

才拔羣初遊。教場出峽南。詢徧謁。知識因到蔣山。值癡絕冲。上堂聞舉。覆船僧到。雪峰話。忽爾有省。尋登育王。依無準。又聞準上堂舉。僧問古德。深山崑崖有佛法也。無德云有。如何是崑崖。佛法德云石頭大底。大小底。小師言下如夢覺。爾後每逢入室。機辯俊逸。端平初準住徑山。師從侍焉。一日準語曰。管演祖請益白雲端。和尚端云。近有數禪客自廬山來。放佗說禪也。說得下語也。下得批判也。判得祖云。和尚如何。端云。我向彼道。直是未在。祖聞此語。七日忘食。方諭其旨。師聞已無言可對。只向未在處著力。從此入室。

日本書紀 卷之三
也。不下語。準搦住曰：你尋常口勞舌沸，如何不下語？打一竹篋，師當下打破漆桶，尋入室通所悟。準曰：汝徹矣。只是得道易，守道難。須默默守之，久久自然感驗矣。師退兀兀，度日準大書兀菴二字，贈之後。徘徊蔣徑間，見聞飲厭名翼高翔，靈隱天童延居版首。諸山公舉出世於象山，靈巖師通嗣書佛鑑，付法衣及答書遷常州南禪。偶日本道舊寄書聘，招景定二年遂浮滄溟，著博多濱寓聖福寺，尋入京城東福聖一迎居客位。副元帥平時賴招寓止福山，住持隆蘭溪與師舊友相見，慰勞先是平帥嘗夢異僧警訓曰：公

勤參禪覺後異之，乃繪像供養。及見師宛爾，惟肖由是信嚮。日燭因命據正室，師連呈十五偈力辭其命，益堅無已而就。上堂召大眾曰：披野牛皮，作獅子吼，指東爲西，將無作有。驚法身藏北斗，喝一喝下座。結制上堂過公，諸如來斯門已成就。鎔見在諸菩薩，今各亦圓明。鎔未來修學人，應當如是學。鎔諸人還知這三鎔落處麼？若也知得，不妨同此安居。其或未然，且聽從頭指出。一鎔點開，從上佛祖眼睛。一鎔振轉天下衲僧鼻孔。且道更有。一鎔作麼生。驀拈拄杖曰：拄杖子，莫道得底麼？試出來將鎔就鎔道看。卓一下。

日餒飯泥茶爐解夏小叅目前無法意在目前東西
十萬南北八千所以達磨不來東土二祖不往西天
點檢將來只見一變設使東去西去直向萬里無寸
草處去大似泥裏推車陸地行船直饒總道出門便
是草雖則君子千里同風未免隔山見煙爭如任運
騰騰騰騰任運飢食渴飲行坐困眠自然處處朝宗
頭頭合轍縱橫得妙八穴七穿且總不恁麼又作麼
生拍膝一下日不覺日又夜爭教人少年上堂一塵
入正受諸塵三昧起諸塵入三昧一塵三昧起三昧
與正受土塊泥裏洗喙白日堂堂眼見鬼非不非是

不是甲子乙丑海中金丙午丁未天河水諸人若也
不會且聽拄杖子當陽指示卓一下日今朝是九月
一明日是初二又卓一下上堂吾本來茲土傳法救
迷情一華開五葉結果自然成枯日老胡受般若多
羅識記區區十萬里航海而來遊梁歷魏冷坐九年
以至分皮分髓將謂有多少奇特及乎付法一偈便
見敗缺不少建長雖是佗的傳正派兒孫不曾將脚
踏佗界至茲遇遠諱之臨因齋慶讚亦有一偈舉似
大衆吾本來茲土無法與人傳成蛇者入草成龍者
上天冬節上堂冬至寒食一百五中有一轉平實語

日本書紀卷之二十一 聖德太子本紀
缺齒老胡舉不全賺佗立雪人莽鹵諸人要知麼良
久曰貓兒偏解捉老鼠上堂臘月八夜眼見鬼便開
大口說道理若向衲僧門下過爛鏈一頓無疑矣莫
有_レ助拳助踢底麼操日本鄉談曰和蘇嚙之佛鑑忌
拈香每年三月十八憶著痛恨入骨巨福山上望凌
霄萬重山海煙波闊謾蒸一炷兜羅木唵噴噴發發
弘長癸亥冬副帥道崇居士卒師乃抱歸宋之恩偶
有衆中佗觸忤者師遂槌鼓上堂辭衆曰無心遊此
國有心復宋國有心無心中通天路頭活舉拄杖曰
拄杖頭邊挑日月下座闔府強雷堅執不允平副帥

時宗幾部從送到西府即駕歸船達于明州無何受
省劄住務之雙林不久捨去漫遊江浙晚董温州江
心至元十三年中冬二十四日宋于龍翔寺敕諡宗
覺禪師有語錄一卷

相州瑞鹿山圓覺寺子元祖元國師別號無學宋之
明州慶元府人_レ世姓許氏母陳氏夢僧抱嬰兒身之
寤即有娠誕日白光照屋晬日父母列書籍玩具見
其所嗜師笑取佛經拜持不放七歲就家塾強記躡
倫遭輩羶愕爾回避見屠宰畫然蹙頰十一與父遊
山寺聞僧吟竹影掃階塵不動月穿潭底水無痕殊

有警省十三丁父憂乃求出離伯氏冲虛禪師攜往
枕之淨慈禮北磻和尚圓頂進具服勤五載辭陟徑
山依無準準俾提撕狗子無佛性話師在雲堂一夜
四更聞普座寮版聲忽爾有省便佗頌曰一槌擊碎
精靈窟突出那吒鐵面皮兩耳如聾口如啞等閑觸
著火星飛卽呈準準更舉香嚴擊竹頌後之師滯應
對亾何準順世師擔簦遊方謁石溪月於靈隱叅偃
溪間於育王後寓小朶峰時虛堂愚居鷲峰菴師常
往來講明終日堂嘗有送僧偈相送當門有脩竹爲
君葉葉起清風之句舉以示師師曰和尚此偈只是

閑言語中間無此子禪堂拈起頌子曰者個擊師擬
對堂劈面一揮自是得句語三昧依觀物初于大慈
持淨二載一日登井樓挹水牽動轆轤廓然大悟向
諸老所示話頭於是釋然矣明年邑宰羅季莊以東
湖白雲菴招師移養母居七年母亾師歸靈隱寧退
耕鋤下居第二座大傳賈秋壑聘請出世台州真如
辦香爲無準枯德祐乙亥師避亂於溫州能仁明年
疫壓溫境寺衆皆逃竄師獨禪坐堂裏虜酋以刃加
頸師神色不變說偈曰乾坤無地卓孤筇喜得人空
法亦空珍重大元三尺劔電光影裏斬春風羣虜馘

謝而太整載歸四明訪一環溪於天童溪雷居前阪
爲衆說法弘安乙卯冬建長虛席副元帥平時宗具
使疏入元聘請有德禪衲明收以師充選招環溪卽
授佛鑑法衣師拈起曰世尊傳金襴外別傳個甚麼
以手指師兄過在汝殃及我乃披衣上堂辭衆述偈
曰世路艱危別故人相看握手不知頻今朝宿鷺亭
前客明日扶桑國裏雲祥興三年五月離太白六月
晦日著太宰府卽弘安三年也平帥郊迎慰勞請住
建長五年冬建圓覺寺請爲開山始祖開堂之日羣
鹿上筵因名瑞鹿山上堂問答畢乃曰我此法印爲

欲利益世間故說在所遊方勿妄宣傳釋迦老子將
此印付囑摩訶迦葉摩訶迦葉二十餘傳而至菩提
達磨菩提達磨二十餘傳而至于此顧視大衆良久
日山僧未離大唐已前將謂日本衲僧白日點燈將
鹽止渴及乎到來個個眼橫鼻直人人立地頂天山
僧當初也要如何如何到此一場懨懨只得便將此
印與諸人一印印定更不散移一絲毫許爲甚如此
卓拄杖一下日秋高天影直海闊浪無聲復舉白侍
郎問鶴巢和尚如何是佛法大意巢云諸惡莫作衆
善奉行白云三歲孩兒也道得巢云八十翁翁行不

得白有省拈曰鶴巢用處如龍王宮殿在千波萬浪
之外若非白侍郎航海梯山鎮海明珠爭得到國雖
然如是笑我者多晒我者少上堂上山不避虎豹樵
夫之勇也入水不避蛟龍漁人之勇也建長大開門
戶只要諸人單刀直入良久日玄沙道底上堂參禪
無妙訣只要打教徹疑情若斷時生死路自絕問諸
人瞥不瞥富士山頭六月下雪上堂偏中正正中偏
千華影裏一色明邊良久日幾度醉歸明月夜笙歌
擁入畫堂前涅槃忌上堂最初句末後句枯木裏龍
吟鐵蛇橫古路若也悟太親見如來其或未然黃連

未是苦佛鑑忌拈香六十拄杖一瓣兜樓恩將冤報
甜將苦酬山悠悠水悠悠大海若知足百川應倒流
結夏上堂問答罷乃召大衆曰從文殊門入者牆壁
瓦礫爲汝發機從觀音門入者蝦蟆蚯蚓爲汝發機
從普賢門入者不動步而到九旬一夏一線雙勾月
冷風高山青水綠是汝諸人作麼生良久日向道莫
行山下路果然猿叫斷腸聲重陽上堂堂前鳴鼓了
也太衆問訊了也良久日若是陶淵明攢眉便歸太
冬至上堂書雲佳節審鑑當臺春回空劫已前等從
不蒴枝上良久日漆桶不會打鼓替請看臘八上堂

日本書紀卷之三十一
欽定四庫全書
拈拄杖曰老瞿曇你來也三日不相見莫作舊時看
我問你正覺山前悟道之後卻道我觀大地衆生具
有如來智慧德相但以妄想不能證入衆生妄想豈
不是如來智慧德相若太妄想別求智慧別求證入
宛然生斷滅見試下一轉語速道速道良久日將謂
茅長短元來地不平除夜小叅拈拄杖顧視大衆曰
諸人還知這箇時節麼乾坤之內宇宙之間一氣無
作而化萬化不然而然驢鳴犬吠古佛家風一場漏
逗年窮歲盡衲僧鼻孔轉見瞞頂茅屋清溪三曲四
曲古松流水千株萬株不道建長薄處先穿諸人自

合谷知時節休休看看白盡少年頭明朝又是新年
頭示衆曰叅禪須是打併胸中淨潔太卻情識中所
重單單只將自己叅取自己如何叅取自己既是自
己因甚叅自己蓋緣你被知見解會日夜筌排日夜
纏縛不能得解脫不能得出頭此是第一種牢獄你
若太得許多知見解會空蕩蕩處叅虛豁豁處行不
是大徹大悟也是一箇無依倚衲子只者無依倚處
是諸佛放身捨命處師謂徒曰我在宋時於禪定中
屢見神人峩冠偉服手執圭笏揖予而告曰願和尚
臨光我國哀愍衆生每其到時必有一金龍數斑鴿

入予袖中上予膝上竟不曉其故及入此國一日詣
八旛宮視殿梁上木鴿多有因問侍僧曰此神之使
鳥也始知定中所見卽此神也汝等佗日造老僧陋
質併佗龍鴿置椅左右先辛巳春師書莫煩惱三字
呈平帥帥曰是何言句師曰春夏之交博多騷擾而
不日得靜謐公莫爲慮焉果孟秋元虜千艦浮西海
來風濤俄起一時敗沒平帥問曰和尚以何先知師
笑曰當過二年而說與太守後三年平帥卒嗣子貞
時相續歸嚮九年初秋師謂首座照無象曰吾有一
事辨在季秋子還知麼象曰是什麼事師笑而不答

無何遭疾九月三日親書遺書數通別平帥及故舊
至晚書偈示衆曰諸佛凡夫同是幻若求實相眼中
埃老僧舍利包天地莫向空山撥冷灰至三度易衣
端坐索筆又書曰來亦不進去亦不後百億毛頭獅
子現百億毛頭獅子吼置筆而化停龕三日顏容晬
然不異平時如法火浴藏靈骨於本山世齡六十一
法臘四十九師平居不卸衣一被上綴伽梨以備夜
分敷謚佛光禪師光嚴帝重賜圓滿常照國師語錄
若干卷今世刊行

宋洪州黃龍無門慧開禪師法嗣

紀州鷲峰山西方興國寺心地覺心國師姓常澄氏
信州神林縣人母禱戶藏靈得感夢姪十五歲入神
宮寺讀佛書十九鬢髮適和州東大寺登壇進具乃
上高野山傳密法於覺佛習祕軌於道範遂謁金剛
三昧院行勇禪師聞教外之旨夏衣服侍又稟金剛
樂於三輪蓮道受菩薩戒於淡草道元延應己亥勇
遷相之壽福師隨司紀綱職滿抵上州長樂叅釋圓
朝及朝順世回壽福依其嗣藏交譽越年上京叅天
祐順於勝林師從此淡南詢之志乃抵東福辭聖一
一勸叅無準建長乙酉春附舶入宋直趨雙徑準已

遷化癡絕冲來補其席師依掛搭叅荆交珏於道場
太遊四明駐錫育王供羅漢於石橋拜祖塔於大梅
杖屨殆徧偶值鄉僧源心因問子久遊此曾遇明眼
師否心告曰護國佛眼禪師一代宗匠應往取決相
率屆護國眼問汝名什麼師曰覺心眼說偈曰心卽
是佛佛卽是心心佛如如亘古亘今徵詰數番機機
相契卽承印記既而告歸眼付月林語對御錄無門
關等又授真贊日用迷子訣飛紅爐雪下喝當鋒崖
崩石裂化外蛇作活龍點黃金爲生鐵太縛解粘抽
釘拔楔更將佛祖不傳機此界佗界俱漏洩師及至

洋中颶風俄起波濤鼓怒一船震懼師欽念觀音見
大日輪現於檣上風波忽息安著博多乃建長六年
也徑抵金剛三昧院觀省勇八勇喜居第一座康元
初年春師齎水晶數珠并書奉佛眼日覺心拜違慈
相遠歸海東屈指三年仰德之私未嘗少忘憶在西
湖屢扣禪關開發心地肝腸裂破胸中坦然豈不是
和尚方便之所致也粉骨碎身何足爲報日夜西望
落日之邦焚香馳想遙拜而已忽遇便風謹裁小牘
伸布萬一伏乞棟梁此道以度羣生眼以偈報日百
八摩尼顆顆圓遼天鼻孔一齊穿恆河沙數佛菩薩

日日呼來跳一圈正嘉元年出世金剛三昧院辦香
供佛眼踰年通嗣書眼慰答至切師遊鷲峰愛其清
絕有終焉之志沙門願性就創西方寺今日與國延師爲
開山始祖其地素多妖魅至者必遭惑亂師至皆降
攝文應初年佛眼寄書并法衣一頂七葉圖一鋪等
誨語殷勤龜山上皇聞師高風三降詔書命住城東
勝林寺屢迎宮問法要師玄談入理逸機從容上皇
始知宗門有過量事乃改皇居爲禪刹扁曰禪林請
師而居厭帝畿繁囂潛回紀之舊院永仁三年丞相
師繼藤公華山院捨城北別業剏妙光寺將招師爲始


祖諸徒戮力樹壽塔榜名歲寒師復入雜色龜山後
宇多兩上皇召鑿峨離宮咨詢禪道師年已八十奏
對審詳自情大悅嚮信倍於昔日居之未幾亦返南
國師住鷲峰四十餘載南方大化雲納千指茅屋糲
蔬與衆共處或有羸糧山下結菴樹下而咨參者室
中常舉狗子無佛性話攝學者示衆曰諸佛悟心衆
生迷心生佛源一迷悟境分不假佗力自心能知欲
至佛果須終自心凡有所問但云念起是病不續是
藥一切善惡都莫思量至有敎家義學問宗旨事折
其枝葉直示根源當時指爲禪窟六年季秋示後恙

十月十三日集諸徒酬酢如常人夜神色稍異左右
請遺偈師笑曰我平生屏筆墨今何特地耶左右曰
師今斂容端坐無告滅歟曰諾即時脫太世齡九十
二僧臘七十四停龕八日顏範不變闍維拾五色舍
利無算諸徒分之塔于洛與紀龜山上皇敕謚法燈
禪師師平日異靈孔多一日陞座說法白日青空迅
雷大震墜鷲峰東南聲聞四十里諸徒見墜所有審
珠一顆埋爲山門之鎮又往粉河乞開殿拜太土相
寺僧不聽師坐垂堂繡闥自開師入拜瞻寺僧驚異
列拜卽草敎院爲禪宇號曰誓度後醍醐帝累賜法燈國

日本書紀 延寶傳燈錄卷二

師

延寶傳燈錄卷第二



江府住玉泉軒成九居士發信施貲
 延寶傳燈錄第二 茲願
 禪燈分燃覺華結果同圓二巖者
 寶永丙戌解制之日
 濃州路加納盛德禪寺 知藏比丘 識

